

ՊԱՅՄԱՆԱԳԻՐ  
ԴՐԱՄԱՇՆՈՐԿ ՏՐԱՄԱԴՐԵԼՈՒ ՄԱՍԻՆ 1

ք. Երևան

«23» հունվարի 2023թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն), ի դեմս Նախարարության գլխավոր քարտուղարի պարտականությունները կատարող Վահրամ Գասպարյանի, որը գործում է Նախարարության կանոնադրության հիման վրա մի կողմից, և «Բնակարան երիտասարդներին» վերաֆինանսավորում իրականացնող վարկային կազմակերպություն փակ բաժնետիրական ընկերությունը (այսուհետ՝ Ընկերություն), ի դեմս գործադիր տնօրեն Տիգրան Միրզոյանի, որը գործում է Ընկերության կանոնադրության հիման վրա, մյուս կողմից, հետագայում միասին հիշատակելիս՝ Կողմեր, հաշվի առնելով և հիմք ընդունելով ՀՀ կառավարության 2022 թվականի դեկտեմբերի 29-ի «Հայաստանի Հանրապետության 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը, ինչպես նաև 2023 թվականի հունվարի 20 -ին Կողմերի միջև կնքված N 1 Փոխըմբռնման Հուշագիրը, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1 Սույն պայմանագրով սահմանվում է «Հայաստանի Հանրապետության 2023 թվականի պետական բյուջեի մասին» ՀՀ օրենքի «1115"Երիտասարդության ծրագիր» ծրագրի «12001.Աջակցություն երիտասարդ ընտանիքներին» միջոցառման շրջանակներում պետական աջակցության տրամադրումը (այսուհետ՝ **Ծրագիր**), որի շրջանակներում Ընկերությունը իրականացնում է 2023 թվականի հունվարի 20 -ին Կողմերի միջև կնքված N 1 Փոխըմբռնման Հուշագրով (այսուհետ՝ **Հուշագիր**) սահմանված սուբսիդավորման գործընթացի (այսուհետ՝ **Միջոցառումներ**) կազմակերպումը:

2. Հիմնական դրույթներ

2.1 2023 թվականի Հայաստանի Հանրապետության պետական բյուջեով հատկացվող պետական աջակցության առավելագույն չափը կազմում է մինչև 2.064.900.000 (երկու միլիարդ վաթսուհորս միլիոն ինը հարյուր հազար) ՀՀ դրամ:

2.2 Հատկացվող միջոցներն ուղղվում են Միջոցառումների իրականացմանը՝ համաձայն Հուշագրով սահմանված կարգի:

2.3 Նախարարությունը 2.1 կետում նշված գումարը ՀՀ կառավարության 2022 թվականի դեկտեմբերի 29-ի թիվ 2111-Ն որոշմամբ հաստատված համամասնությունների համաձայն փոխանցում է Ընկերության ՀՀ կենտրոնական բանկում գտնվող հատուկ հաշվին՝ **Հուշագրի** դրույթներին համաձայն:

3. Մոնիթորինգ

3.1 Նախարարությունը **Հուշագրով** սահմանված կարգով կարող է իրականացնել **Միջոցառումների** գործընթացի մոնիթորինգ:

3.2 Նախարարությունը կարող է, մոնիթորինգի իրականացման նպատակներից ելնելով, Ընկերությունից պահանջել **Հուշագրով** սահմանված հաշվետվություններ, ինչպես նաև գործառույթին վերաբերող այլ հաշվետվություններ և փաստաթղթեր:

3.3 Նախարարությունը ցանկացած ժամանակ կարող է նաև իրականացնել մոնիթորինգ Ընկերության տարածքում՝ նախապես Ընկերությանը ծանուցելով ժամկետների և լիազորված անձանց շրջանակի մասին:

3.4 Մոնիթորինգի իրականացման ընթացքում Ընկերությունից կարող են պահանջվել գրավոր ու բանավոր պարզաբանումներ և բացատրություններ:

3.5 Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Ընկերությանը տրվում են առաջարկություններ:

#### 4. Կողմերի իրավունքները և պարտավորությունները

##### 4.1 Նախարարությունը իրավունք ունի՝

4.1.1 Ստուգել Ընկերության կողմից իրականացվող **Հուշագրով** սահմանված միջոցառումների ընթացքը և որակը՝ առանց խոչընդոտելու վերջինիս գործունեությանը,

4.1.2 Ընկերությունից պահանջել հաշվետվություններ և/կամ լրացուցիչ տեղեկություն հեռակա ստուգման նպատակով՝ նախապես իրազեկելով Ընկերությանը դրանց ձևի և ժամկետների վերաբերյալ:

##### 4.2 Ընկերությունն իրավունք ունի՝

4.2.1 սույն պայմանագիրը ուժի մեջ մտնելու պահից Նախարարությունից պահանջել սույն պայմանագրի 2.1. կետով սահմանված գումարը՝ համաձայն 2.3. կետով սահմանված ընթացակարգի:

##### 4.3 Նախարարությունը պարտավոր է՝

4.3.1 ծրագրով նախատեսված դեպքերում աջակցել Ընկերությանը:

4.3.2 իրականացնել ծրագրով նախատեսված այլ աշխատանքներ:

##### 4.4 Ընկերությունը պարտավոր է՝

4.4.1 իրականացնել ծրագրի շրջանակներում Նախարարության կողմից տրամադրված գումարների պատշաճ օգտագործում՝ համաձայն **Հուշագրով** նախատեսված դրույթների, և ֆինանսական միջոցներն օգտագործել միայն ծրագրի նպատակներին համաձայն:

4.4.3 կատարել Նախարարության կողմից բացահայտված թերությունների վերացման նպատակով տրված ցուցումները:

#### 5. Անհաղթահարելի ուժի ազդեցությունը (ՖՈՐՍ-ՄԱԺՈՐ)

5.1 Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

#### 6. Պայմանագրի գործողության ժամկետը, փոփոխումը, դադարումը և(կամ) լուծումը

6.1 Պայմանագիրը և դրանից ծագող պարտավորությունները ուժի մեջ են մտնում դրա կնքման պահից, գործում է մինչև 2023 թվականի դեկտեմբերի 31-ը ներառյալ և դրա

գործողությունը տարածվում է 2023 թվականի հունվարի 1-ից ծագած հարաբերությունների վրա: Պայմանագիրը գործում է մինչև պարտավորությունների ամբողջ ծավալով կատարումը:

6.2 Պայմանագրի փոփոխումը և (կամ) լրացումը կատարվում է Կողմերի համաձայնությամբ՝ լրացուցիչ համաձայնագրով, որը Պայմանագրի անբաժանելի մասն է:

6.3 Պայմանագիրը դադարեցվում և (կամ) լուծվում է Հայաստանի Հանրապետության օրենսդրությամբ սահմանված կարգով:

## 7. Այլ պայմաններ

7.1 Պայմանագրում ցանկացած փոփոխություն և (կամ) լրացում կատարվում է գրավոր:

7.2 Պայմանագիրը կազմված է հայերեն, երկու հավասարազոր իրավաբանական ուժ ունեցող օրինակից: Յուրաքանչյուր կողմին տրվում է մեկական օրինակ:

7.3 Պայմանագրով Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում Հայաստանի Հանրապետության օրենսդրությամբ սահմանված կարգով:

### Կողմերի իրավաբանական տվյալները և ստորագրությունները

| Նախարարություն   | Ընկերություն  |
|--|---|
| «ՀՀ կրթության, գիտության, մշակույթի և սպորտի նախարարություն ՀՀ, ք. Երևան, Վազգեն Սարգսյան 3 Կառավարական տուն 2 | «Բնակարան երիտասարդներին» ՎՎԿ ՓԲԸ<br>ՀՀ, ք.Երևան, Հանրապետության 22/13<br>Հ/Հ 103007001706<br>ՀՎՀՀ 02708397<br>Հեռ.՝ 010 56 07 43 |
| ՀՀ ՖՆ գործառնական վարչություն<br>Հ/Հ 900011032720<br>ՀՎՀՀ 02698732<br>Հեռ.՝ 01 52 06 32                        |   |

Գլխավոր քարտուղարի  
պարտականությունները կատարող՝

Վահրամ Գասպարյան



Գործադիր տնօրեն՝

Տիգրան Միրզոյան

